
Saknr: 2020/1928-45
Saksbehandlar: Dagmar Reutz Hillestad

Saksgang

Utval	Utv.saknr.	Møtedato
Fylkeseldrerådet		28.04.2020

Den kulturelle spaserstokken, retningslinjer for utlysning og tildeling av tilskot

Forslag til vedtak

Fylkeseldrerådet vedtek å gi uttale til saka om Den kulturelle spaserstokken, retningslinjer for utlysning og tildeling av tilskot.

Samandrag

Den kulturelle spaserstokken (DKSS) er ei tilskotsordning der målet er å leggje til rette for formidling av profesjonell kunst og kultur til eldre. Tilskotet skal nyttast til kulturtilbod av høg kvalitet og vera tilgjengeleg på arenaer der eldre har sitt daglege liv. Fylkeskommunane har hatt ansvar for å forvalte denne ordninga frå 2014. Det er ikkje øyremerka midlar til ordninga, dette ligg inne i rammetilskotet og skal tildelast kommunane etter søknad. Fylkeskommunane Sogn og Fjordane og Hordaland har hatt kvar sine retningsliner for utlysning og tildeling av midlane. Det vert no arbeida med eins retningsliner for Vestland fylkeskommune.

Bertil Søfteland
seksjonssjef

Dagmar Reutz Hillestad
utvalssektretær

Saksframlegget er godkjent elektronisk og har difor ingen handskriven underskrift

Saksutgreiing

Bakgrunn for saka

Den kulturelle spaserstokken (DKSS) skal leggje til rette for profesjonell kunst- og kulturformidling til eldre i eit samarbeid mellom kultursektoren og helse- og omsorgssektoren. Fylkeskommunen har ansvar for å forvalte ordninga. Midlane ligg i rammetilskotet, og det er kommunane som kan søkje tilskot frå ordninga.

Samla tilskot for 2021 i Vestland fylke er 3 980 000 kr (auke på 59 000 kr frå 2019).

Fylkeskommunane Hordaland og Sogn og Fjordane har hatt kvar sine retningslinjer for utlysing og tildeling av midlane. Det er behov for å vedta eins retningslinjer for Vestland fylkeskommune.

Retningslinjer og kriterium for tildeling i tidlegare Hordaland og Sogn og Fjordane har vore ulik. Søknadsfrist i Hordaland var i 2019 den 2. september. I Sogn og Fjordane var fristen 1. juni. Det var krav om rapportering om bruk av 2018-midlane samstundes som ny søknad vart send. I Hordaland vart det ikkje kravt rapport om bruk av fjorårets midlar.

I Hordaland gjaldt følgjande kriterium for tildeling:
Det låg til grunn ein fordelingsnøkkel med kvantitative og kvalitative kriterium. Kvantitative kriterium skulle vektast 80 prosent og kvalitative 20 prosent.

Sogn og Fjordane har tilsvarande lagt til grunn kvantitative og kvalitative kriterium, men har ikkje fastsett fordelingsnøkkel (vekting) mellom kriteria. Aldersgrensa var her sett til 70 år.

Alle kommunane, både i Hordaland og i Sogn og Fjordane har søkt og fått tilskot, så sant søknadene oppfylte kriteria.

I Sogn og Fjordane var det i 2019 ein samla søknadssum på 2 459 000 kr til DKSS. Til saman 921.000 kr vart fordelt på kommunane. I Hordaland var det i 2019 ein samla søknadssum på 3 924 000 kr, og til saman 3 000 000 kr vart fordelt.

Kriteria i dei to fylkeskommunane Hordaland og Sogn og Fjordane var i stor grad overlappande. Grunnprinsippa vil det såleis vere naturleg å halde på. Kvantitative kriterium sikrar at ein i utgangspunktet får fordelt midlane breitt og objektivt på flest mogleg kommunar. Vurdering etter kvalitative kriterium gir rom for å prioritere dei beste prosjekta med tanke på innhald og form.

Fylkeskommunen bør ha som mål å vere i dialog med kommunane for å utvikle gode prosjekt innan DKSS. I tråd med statlege føringar (St.meld. nr. 25, 2005-2006 Mestring, muligheter og mening) bør det vere særleg vekt på tiltak som er tverrsektorielle, prosjekt som byggjer på samarbeid mellom kultursektoren og helse- og omsorgssektoren. Det vil på sikt vere nyttig å kartleggje arbeidet med DKSS meir grundig og å vidareutvikla samarbeidet med DKSS-kontaktane i kommunane. Dette vil vere eit bidrag til utvikling av kultur og helsearbeidet i kommunane og fylkeskommunen, og i tråd med intensjonane om tilpassa kulturaktivitetar i «Leve Hele Livet»-reforma (St.meld. nr. 15, 2017-2018 Leve hele livet - en kvalitetsreform for eldre).

Kommunane samarbeider med kunst- og kulturinstitusjonar, kunstnarar og organisasjonar for å få til programtilbod for eldre lokalt. I 2019 har det òg vore eit utprøvande samarbeid mellom DKSS og Den kulturelle skulesekken (DKS) i Sogn og Fjordane. DKS har turnear som i nokre tilfelle kan vere like relevante for eldre som for born i skulealder. Det gir høve til fleirbruk av programtilbod. I tillegg kan ein gjennom felles program leggje til rette for verdifulle møte på tvers av generasjonane.

Mengda søknader i eit større fylke tilseier at søknadsfristen bør vere før sommaren. Det er føreslege å leggje aldersgrensa 67 år til grunn ved tildelinga. Dette har vore gjeldande grense i Hordaland. Ved å gå for denne ekskluderer ein ikkje dei som allereie er inne i ordninga i denne delen av fylket, men utvidar i staden grensa for dei kommunane som soknar til tidlegare Sogn og Fjordane.

Tildelinga kan då skje i hovudutvalsmøtet i september. Rapportering på fjorårets midlar bør vere eit krav med same frist som søknadsfristen.

I framlegget er dei kvalitative kriteria i dei to tidlegare fylkeskommunane forsøkt samanfatta og forenkla. Kriteriesettet vil honorere kvalitet i innhald, potensial for nyskaping, samarbeid på tvers i

kommunane, god plan for gjennomføring av tiltaka og at programinnhaldet samla er tilpassa fleire målgrupper.

Framlegg til nye retningslinjer for utlysing og tildeling av tilskot fylgjer i vedlagt saksdokument frå møte i hovedutval for kultur, idrett og integrering 3. april 2020.

Vedtak i saka var fylgjande:

«Hovedutvalet for kultur, idrett og integrering vedtek framlegg til retningslinjer for tilskotsordninga Den kulturelle spaserstokken slik det går fram av saksframstilling».

Konklusjon

Den kulturelle spaserstokken vart handsama i hovedutval for kultur, idrett og integrering 3. april 2020. Fylkeseldrerådet har ikkje vore førelagt saka til uttale før handsaminga i hovedutvalet. Rådet ynskjer å gi uttale til arbeidet med Den kulturelle spaserstokken, og har merka seg at hovudutval for kultur, idrett og integrering får tildelingssaka til handsaming i septembermøtet.